

Broj: 02-1340-20/25

Datum: 25.08.2026.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14, 59/22 i 50/24), (u daljem tekstu: Zakon), internog Pravilnika o javnim nabavkama roba, usluga i radova u JZU UKC Tuzla broj: 01-6-7/23 od 28.3.2023.godine, u skladu sa članom 45. Statuta Javne zdravstvene ustanove Univerzitetski klinički centar Tuzla u vezi sa Rješenjem Ureda za razmatranje žalbi BiH broj: JN2-01-07-1-942-11/26 od 06.07.2026.godine u otvorenom postupku javne nabavke šavnih konaca za **LOT 7** objavljenom na portalu javnih nabavki pod brojem: 867-1-1-212-3-281/25 od 03.12.2025. godine, VD Direktor je donio

ODLUKU

I

Prihvata se preporuka komisije za javne nabavke i okvirni sporazum za javnu nabavku šavnih konaca za **LOT 7** dodjeljuje se ponuđaču,

“MEDICORP” doo Tuzla

u iznosu od 255.000,00 KM bez PDV-a.

II

Prijedlog okvirnog sporazuma dostavit će se na potpis izabranom ponuđaču iz tačke I ove odluke u skladu sa članom 98 Zakona.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav 6. Zakona.

Obrazloženje

Postupak javne nabavke šavnih konaca pokrenut je Odlukom o pokretanju postupka javne nabavke broj: 02-1340-1/25 od 14.11.2025.godine, putem otvorenog postupka objavljenog na portalu javnih nabavki pod brojem: 867-1-1-212-3-281/25 od 03.12.2025 godine. Predmetna nabavka je bila podijeljena u lotove. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da su ponuđači dostavili dokaze zahtijevane tenderskom dokumentacijom zbog čega su ocijenjeni kao kvalifikovani za daljnje učešće u postupku. Komisija je u nastavku izvršila ocjenu ponuda primjenjujući kriterije za dodjelu utvrđene u tenderskoj dokumentaciji te je po okončanju e-aukcije sačinila rang listu a zatim dala preporuku Ugovornom organu. Ugovorni organ je donio odluku o izboru ponuđača broj: 02-1340-12/25 od 19.05.2026.godine na koju je ponuđač UNIFARM doo Lukavac izjavio žalbu u dijelu za LOT 7 koju je Ugovorni organ proslijedio Uredu za razmatranje žalbi na odlučivanje.

U postupku po žalbi, Ured za razmatranje žalbi je Rješenjem broj: JN2-01-07-1-942-11/26 od 06.07.2026.godine istu usvojio, poništio odluku o izboru ponuđača za **LOT 7 te predmet vratio ugovornom organu na ponovni postupak**. U ponovljenom postupku pregleda i ocjene ponuda Komisija je izvršila pregled dostavljenih uzoraka, izvršila ponovni uvid u ponude i po okončanju e-aukcije sačinila rang listu a zatim dala preporuku Ugovornom organu kako je sve decidno navedeno u zapisniku o pregledu i ocjeni ponuda broj: 02-1340-18/25 od 24.08.2026.godine.

Shodno naprijed navedenom odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Uredu za razmatranje žalbi putem Ugovornog organa najkasnije u roku od 10 dana od dana prijema ove odluke.

VD DIREKTOR
Prof.dr.med.sci. Sekib Umihanić



Dostaviti:

- 1 x Ponudačima
- 1 x web
- 1 x a/a

Uradio/kontrollirao: ck/mk